

**Illumik pisinermut atatillugu illup qanoq innera pillugu naliliinermik
 sanasoqartalernissaanut inatsisitigut piumasaqaateqartalernissamut atatillugu
 aningaasatigut iluaqtissanik ajoqtaasunillu misissuisoqarnissaa pillugu kiisalu illumik
 pisinermut atatillugu illut nukimmik atuisarnerat pillugu nalunaaqutsiisarnissap
 inatsisitigut piumasaqaataalernissaanut atatillugu misissuisoqarnissaanut
 Naalakkersuisut peqquneqarnissaannik Inatsisartut aalajangiiffigisassaattut
 siunnersuut. Aamma misissuinermi ilanngullugu paasiniaqquneqarpoq sillimmasiisarfitt
 piginnittut nikinneranni suleqataanissaminntum piumasaqaatigisinnaasaat kissaataallu.
 Misissuinerup inernerter Inatsisartunut agguaanneqassaaq 2017-imi ulloq 1. januaari
 tikitsinnagu**

(Saqq. Inatsisartunut ilaasortaq Justus Hansen, Demokraatit)

siunnersuutip aappassaaneerneqarneranut

Sanaartornermut ataatsimiititaliap

ISUMALIUTISSIISUTAA

Suliarineqarnerani Ataatsimiititaliaq ukuninnga inuttaqarpoq::

Inatsisartunut ilaasortaq Anders Olsen, Siumut, siulittaasoq
 Inatsisartunut ilaasortaq Kalistat Lund, Inuit Ataqatigiit, siulittaasup tullia
 Inatsisartunut ilaasortaq Jens-Erik Kirkegaard, Siumut
 Inatsisartunut ilaasortaq Ane Hansen, Inuit Ataqatigiit
 Inatsisartunut ilaasortaq Justus Hansen, Demokraatit

UPA 2016-ip nalaani ull. 20. april siullermeinerup kingorna siunnersuut Ataatsimiititaliap misissorpaa.

Siunnersuutip imaa siunertaalu

Siunnersuuteqartup siunnersuuteqarnermigut kissaatigaa, pigisanik aalaakkaasunik
 nioqquteqartarnermi pitsaassuseq pillugu nalunaarusiortalernissap inatsisitigut piumasaqaatit
 atuutilersinneqarnerisigut aamma nukimmik atuinermik nalunaaqutsersuisarneq pillugu
 inatsisitigut piumasaqaatit atuutilersinneqarnerisigut iluaqutaasut aamma ajoqtaasut pillugit
 Naalakkersuisut misissuinermk saqqummiussaqassasut. Misissuinermut atatillugu aamma

piginnittut nikinnerannut atatillugu sillimmasiisalernissamik aaqqissuussinermut sillimmasiisarfiit peqataarusunnersut aamma peqataaratarsinnaaneranni piumasaqaatigisassaat qulaajarneqassapput.

Siunnersuutip Inatsisartuni siullermeerneqarnera

Inatsisartuni suliarineqarnerani ataatsimut isigalugu siunnersuut siamasissumik tapersorsorneqarpoq, maleruagassanullu atuuttunut sanilliullugu pigisanik aalaakkaasunik nioqquteqarnermi pisisut pitsaanerusumik inatsisitigut atugaqarnissaannut maleruagassiortoqarsinnaanera pillugu misissuisoqarnissaa partiit ajunngitsutut isigaat. Siunnersuut Ataatsimiitaliamit suliarineqartussatut innersuunneqassasoq siamasissumik isumaqatigineqarpoq, ilaatigut aaqqissuussinermi nammineq piumassutsimik tunngaveqarluni pisisumut aamma/imaluunniit tunisisumut maleruagassat inaarsarneqarsinnaanerannik Ataatsimiitaliap isummersornissaa siunertaralugu.

Saaffiginnissutit

Ataatsimiitaliap piumasaqarneratigut ulloq 19. april Grønlands Ejendomskontor-imeersut aamma Codan/Illiit Forsikring-imeersut siunnersuut saqqummiunneqartoq pillugu isumaannik Ataatsimiitaliap paasissutissiitippai.

Ataatsimiitaliap siunnersuummik suliaqarnerat

Soqutigisaqartut Ataatsimiitaliamit ataatsimeeqatigneranni UPA 2012-ip ingerlanerani imm. 66 taamaangajattumik oqaasertaqartoq tunngavigalugu Ataatsimiitaliaq isummersorpoq.

Paasissutissat ataatsimut pissarsiarineqartut tunngavigalugit isumaliutissiissut tamaat 2012-mi tunniunneqartoq Ataatsimiitaliap tamarmiusup isumaqataaffigaa.

Ataatsimiitaliap inassutaa

UPA 2012/66-imut isumaliutissiissummi oqaasertaliunneqartut ilanngullugit siunnersuut akuerineqassasoq Ataatsimiitaliap **isumaqatigiittup** inassutigaa.

Taamatut oqaaseqarluni isumaliutissiissummilu allassimasutut paasinnilluni Ataatsimiitaliap siunnersuut aappassaaniigassanngortippaa.

Anders Olsen, Siulittaasoq

Kalistat Lund,
Siulittaasup tullia

Jens-Erik Kirkegaard

Justus Hansen

Ane Hansen